

**ASUNTO: INFORME SOBRE AS SUBVENCIONS NOMINATIVAS PROPOSTAS PARA A SÚA INCORPORACIÓN Ó ORZAMENTO DA CONCELLERÍA DE DEPORTES PARA O ANO 2023.****INFORME SERVIZO DE DEPORTES:**

O desenvolvemento da actividade deportiva na cidade de Vigo está profundamente ligado á actividade desenvolta polo tecido asociativo-deportivo existente. Este tecido asociativo-deportivo, composto por entidades sen ánimo de lucro nun porcentaxe moi significativo, desenvolve actuacións de diversa índole no ámbito da actividade deportiva cuxos obxectivos coinciden cos obxectivos do Concello de Vigo en materia deportiva.

Esta coincidencia de obxectivos deriva nunha colaboración constante entre as entidades deportivas como dinamizadoras de proxectos deportivos cun alto interese xeral para Concello de Vigo, xa que este ten atribuída, polo artigo 25.2.1 da lei 7/1985, reguladora das Bases de Réxime Local, competencia propia en materia de promoción do deporte e instalacións deportivas e de ocupación do tempo libre.

Tendo en conta o que vai dito, o servizo de deportes desenvolve anualmente unha importante liña estratéxica vinculada directamente co ámbito subvencional, que ten como obxectivo básico impulsar a participación das entidades da cidade nas competicións das máximas categorías a nivel nacional como parte fundamental dos obxectivos do Concello de Vigo como administración dinamizadora da sociedade viguesa. Estas competicións de alto nivel, supoñen un escaparate para a cidade de Vigo, que mantén un significativo volume de entidades desenvolvendo proxectos na élite nacional.

Estas competicións de alto nivel, atraen a atención mediática e social que outorga un carácter diferenciador ás mesmas, cun retorno económico que desde o servizo de deportes se estima suficientemente avalado, xa que permite converter a Vigo situarse nos canles de información a nivel nacional ós que acceden desde toda a xeografía nacional.

As entidades que lideran estas competicións, dinamizan proxectos de gran envergadura, con orzamentos de gastos moi significativos e que requiren un nivel de planificación elevado. Estas cuestións conlevan a necesidade de prever os recursos económicos concretos que o Concello de Vigo destinará a coadxuvar ao financiamento dos gastos ocasionados polo desenvolvemento destes proxectos, tendo en conta ademais que estas entidades dinamizan proxectos cun carácter diferenciador con respecto ó resto de entidades da cidade, entendéndose que de optar por un procedemento de concorrência competitiva, as entidades beneficiarias serían as mesmas que as propostas, xa que estas son as únicas entidades da cidade que reúnen os requisitos para ser consideradas entidades de elite na cidade de Vigo.

Por outra banda, entre os obxectivos da Concellería de Deportes atopámonos cos proxectos encamiñados ó fomento e promoción do deporte a través do apoio, difusión e axuda á consolidación dos grandes proxectos deportivos que xera a Cidade de Vigo, como medio de promoción e difusión da cultura deportiva, posibilitando un maior achegamento a todos os cidadáns e todas as cidadanas.

O compoñente social e o valor promocional diferencial que supón a celebración de grandes eventos deportivos permite reforzar o compromiso coa sociedade e dar a coñecer ó público as posibilidades de organización destes eventos deportivos, tendo a oportunidade de incrementar o número de afeccionados e deportistas, coa presenza mediática, seguimentos e visualizacións en streaming, enlaces webs, redes sociais.

A dinamización de grandes proxectos deportivos na cidade, de carácter exclusivo e diferenciador, converte ademais a Vigo durante a súa celebración no centro de atención no ámbito do deporte.

En concreto, desde o servizo de deportes propónse o desenvolvemento das seguintes liñas de axudas en forma de subvencións nominativas, tendo en conta que as entidades propostas cumpren cos criterios descritos nos antecedentes:

- Entidades que compiten nas competicións de ámbito nacional de alto nivel:



Copia do documento - Concello de Vigo	Data impresión: 25/11/2022 10:28	Páxina 1 de 3
76-142	CSV: A5AFB1-5BB632-572F2C-BFZ3UY-Z6QD8G-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



	Entidade	Categoría	CIF	Importe 2023
1	Club Atletismo F. Celta	2ª	G36927689	20.000,00€
2	RC Celta atletismo	2ª	G36945319	20.000,00€
3	CD Bosco	2ª	G36692317	90.000,00€
4	CD AMFIV	1ª	G36711380	60.000,00€
5	Club Vigo Voleibol	2ª	G36658219	55.000,00€
6	Coruxo F.C.	4ª	G36708212	140.000,00€
7	Sárdoma C.F	2ª	G36615607	33.000,00€
8	AD Carballal	2ª	G36686376	35.000,00€
9	Trasnos Béisbol Club	2ª	G27750645	18.000,00€
10	Bembrive F. Sala	2ª	G36886422	30.000,00€
11	Club Ciclista Rías Baixas	1ª	G36842946	14.000,00€
12	UB Lavadores	2ª	G36810075	30.000,00€
13	Illas Cíes Tenis de mesa	2ª	G27849090	10.000,00€

- Eventos deportivos de alta repercusión e interese público:

EVENTO	ENTIDADE ORGANIZADORA	CIF	IMPORTE
Rallye Rías Baixas	Escudería Rías Baixas	G36645398	30.000,00€
Trofeo Intnal de Vela e piragüismo	Club Marítimo de Vigo	G27780535	10.000,00€
Torneo Nadal cidade de Vigo fútbol Base	AFAVI	G36998227	10.000,00€
Semana do Atlántico de Vela	Real Club Náutico de Vigo	G36612752	10.000,00€
Festa infantil do Judo	Federación Galega de Judo	G15109267	12.500,00€
Copa Vigo de Fútbol.	Federación Galega de Fútbol	G15055890	5.000,00€
Torneo Internacional Tenis Club de Campo	Club de Campo de Vigo	G36613685	8.000,00€
VigoArena	Organizacia Eventoglobal S.L	B36915585	10.000,00€

- Transferencia de financiamento á Fundación Vide:

Fundación Vigo en deporte	G36894020	125.000,00€
---------------------------	-----------	-------------

A Fundación Vide, dinamiza e coordina un proxecto deportivo na cidade de Vigo orientado ó fomento, difusión e promoción do deporte na cidade de Vigo que, pola súa envergadura e carácter diferenciador o converte nun proxecto único.

A Fundación Vide, como axente impulsor do deporte na cidade, colabora cos axentes dinamizadores do feito deportivo e fomenta e lidera accións dirixidas a potenciar a participación da poboación da cidade de Vigo no ámbito do deporte a través do desenvolvemento de estratexias e programas deportivos que alcanzan unha repercusión directa a mais de 20.000 persoas.

Entre as actuacións e programas destacan por unha banda aquelas dirixidas a fomentar a práctica deportiva entre a cidadanía de Vigo, cun altísimo grado de impacto a nivel local, e outros que, polo seu carácter expansivo alcanzan o ámbito nacional e incluso internacional, o que supón unha ferramenta que pode considerarse moi valiosa en relación á repercusión positiva no ámbito da hostalería e o comercio da cidade e que diferencia o programa de calquera iniciativa no ámbito de Vigo, permitindo un impulso á promoción económica e





social desde o prisma deportivo, convertendo este proxecto nun axente único de promoción da cidade de Vigo.

Vigo, na data da sinatura dixital  
O Xefe do servizo de deportes-director deportivo. Rubén Peña Barceló  
O Concelleiro-delegado de deportes. Manel Fernández Pérez



Copia do documento - Concello de Vigo	Data impresión: 25/11/2022 10:28	Páxina 3 de 3
76-142	CSV: A5AFB1-5BB632-572F2C-BFZ3UY-Z6QD8G-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		